

東華續錄

同治

卷二十四之二十七

第八冊

秋七月乙巳朔諭內閣前據僧格林沁等奏遵查道員黃元吉將參將曹福雲擅行正法當經降旨將黃元吉暫行革職交唐訓方徹底根究茲據奏稱訊明黃元吉因曹福雲冒領口糧不遵開導肆行兇橫即欲重法從事經楊繼煥范文英等代求從輕棍責曹福雲被責不服有起隊報仇之語黃元吉恐致釀成事端即將曹福雲正法楊繼煥等並無架禍唆使情事請旨分別辦理等語此案參將曹福雲意圖虛領口糧不遵所欲肆行無忌實屬大干法紀業經正法應無庸議黃元吉於此等重案並未具稟率行擅殺武職大員亦屬冒昧糊塗著即行革職副將范文英李安邦雖無唆使情事而帶隊不能得力著一併撤銷勇號以示懲儆楊繼煥本係革職永不敘用之員仍復迴迹軍營不知檢束即著即行革職交地方官嚴加管束毋任出外滋事范文英在籍患病既據供無架唆之事即著免其提質○唐訓方奏六月十五十六等日苗逆水陸馬步隊自壽州撤回懷遠不下七八千人以一大支渡渦倚林家圩北搶紮數營以一小支渡淮傍上洪河岸賊營附近築壘並添礮划四五十隻以護之兩岸逆黨分股出撲其林圩迤北之賊徑撲蔡光武趙昌富兩營蔡光武等恐難守該逆撲近濠邊始開排槍斃賊數十人賊卻而復前朱淮森等各出隊伍排列壘後防賊包鈔張得勝等督軍迎敵蔡光武等自內擊之斃賊數百名賊始潰退入壘堅閉不出其上洪之賊同時徑撲唐敏興等營盤又以礮划傍淮徑衝我軍李家疇水隊許懋德等攔開礮船互相抵敵普承堯飭各哨嚴陣以待自帶親軍徑赴上洪唐敏興等見援軍已至啟門出戰普承堯揮軍壓下斃賊數百賊乃遁去其李家疇河下賊划亦經許懋德等擊退先是諜報該逆由淝河下游後湖舟載悍賊千餘人將由劉家口繞竄臨淮以阻糧運臣即調回姚榮旗一營移紮北岸小蚌埠而以李振基所部礮船水練嚴扼沫河口以備之其南岸苗逆死黨已革知府金汝霖為賊內應欲截普承堯等軍之後臣計斬之十八日金汝霖之姪金泳源果勾苗黨張士端等率二千人分踞各圩並連夜在大蚌埠紮營據划大為糧運之患十九日張得勝等軍在蚌埠與賊相持臣飭陳松等各帶隊伍約張得勝上下夾攻二十二日天色將曙各軍齊至大蚌埠立將賊划擊敗餘賊棄舟而逃斃賊無算臣查苗逆狡謀專以繞後路斷糧道為長技此次乘壽州淪陷水陸東下我軍飢困之餘前後受敵勉強支持晝夜勞瘁深恐屢戰力疲稍有挫折致全淮大局不堪設想蚌埠賊划雖經擊退而陸賊負隅如故臣擬稍休兵力一俟彭玉麟楊岳斌黃開榜水師趕到即飭前敵諸軍會合進剿又奏近日苗逆以蒙城久困志在必得勾結捻黨阻絕亳州糧路又於渦河北岸日添悍黨凡自蒙抵宿之小澗集等處步步為營宿州糧路亦為所阻總兵姚廣武因聞捻匪有北竄之說折回徐州防剿強

聞不得臨淮又無兵分援蒙城糧盡餉絕設有疏虞亳州太和無兵防守勢必相繼淪亡且恐該逆乘虛北犯歸陳等屬中原大局將不可問曷若乘蒙城未失厚集援兵猶可保淮北之土疆固豫東之門戶僧格林沁見派訥木津馬勇五百來援尙恐兵力單薄未足以解蒙圍而通糧路相應請旨仍飭僧格林沁迅撥大隊星夜赴援以支危局 上諭議政王軍機大臣等苗逆雖係自守之賊而專於偏僻各圩且兇謀陰狡每以包截官軍後路爲長技此次乘壽州淪陷水陸東下猛撲臨軍唐訓方所部各軍飢困之餘前後受敵勉強支持深恐屢戰力疲一有挫折則全淮不堪設想見在蚌埠賊划雖經擊沈多隻而陸賊仍負隅死守著唐訓方仍督各軍竭力妥籌戰守一俟彭玉麟楊岳斌黃開榜等水師趕到卽飭前敵諸軍水陸會合攻剿蒙城被圍日久一綫糧道亦爲阻絕蒙城內外僅馬新貽英翰兩軍勉力戰守而兵力無多糧運屢斷情形萬分危迫殊恐難復久支吳棠所派援蒙之姚廣武一軍因徐境各匪有裝旗北竄之信調回防剿兇據該漕督所奏又有豫東兩省回宿敗捻誘脅各圩聚至數萬其李大箇子等在宿州煽脅各圩已有二萬餘人聲言裝旗北竄等情壽州陷後苗逆勢已復張若不及早掃除將來北路大軍南下亦恐爲捻逆中阻勢將不可收拾吳棠與唐訓方所奏各情大略相符均請飭令僧格林沁移師赴皖情詞甚爲迫切前據僧格林沁奏俟攻克白蓮池後令黃國瑞帶兵往攻苗逆當經諭令該大臣以傳振邦熟悉徐宿一帶情形卽令帶兵前往見在蒙城如此危急苗黨搶匪如此之多該大臣卽不能親往必須調派得力兵將前去方能濟傳振邦黃國瑞二員中何員最爲得力著該大臣酌量迅速調派一面奏聞唐訓方卽就所有兵力竭力拮拮以待援師毋稍疏失吳棠嚴飭姚廣武速將宿西各匪剿除卽折回宿境與馬新貽英翰等軍聲勢聯絡以通蒙城糧道並著該漕督懷遵屢次諭旨源源接濟毋令乏絕訥木津桂錫楨之軍已有招降李大箇子股匪之稟何以該匪又復糾黨裝旗聲言北竄是否訥木津等稟報虛捏抑或李大箇子肆行反覆著僧格林沁嚴密確查仍飭訥木津等速行折回宿境合力剿賊毋許觀望唐訓方所奏有已革知府金汝霖爲苗逆內應見已計擒就戮此等衣冠悖逆殊堪髮指其籍貫何處管口何存例應連坐著唐訓方密行查拏辦理將此由六百里各諭令知之○以東省漕運遲延論閣敬銘嚴催○丙午李鴻章奏蘇州踞賊以吳江震澤縣城當江浙之衝爲嘉湖援賊所必由之路添聚逆黨分紮花涇港賊壘該逆見我軍突至開礮軍臣因商令程學啟戈登先圖吳江以斷賊援六月十一日程學啟督令陽利見等進攻花涇港賊壘該逆見我軍突至開礮迎擊程學啟等揮兵兜剿以開花礮向賊營轟擊賊敗回壘中適蘇州援賊數千由葑門出寶帶橋鼓譟而前令礮船截擊之連放炸礮六十餘次轟倒石城四株壘賊驚亂戈登輪船隨到連開大礮悉中要害程學啟督水陸將士一擁而出燒毀賊船

二十餘隻陣斬三四百名當將賊壘攻克吳江之賊數千護擁又至經官軍追斬數百名十三日進攻同里副將張光泰等將湖口賊營踏破生擒五百餘名潰賊覓水逃避官軍以槍礮排擊轟斃溺斃之賊數千蘇州賊酋率二萬餘人礮船一百餘隻由尹山橋圍攻花涇港石壘程學啟親督水陸各軍往援分鈔賊後復經副將劉士奇等奮勇夾擊賊即潰退同里賊營即時攻克李恆嵩度官軍攻勦同里之際賊必不爲備先將北門外賊卡踏毀並將同里回竄之賊擒斬淨盡十四日程學啟督軍進逼城根合力攻擊該逆自知不敵開門出降吳江震澤縣城卽於辰刻收復臣查江震一城當吳越之衝水陸交匯茲旣攻克則嘉湖賊援可斷且由花涇港直下太湖足以規取蘇垣程學啟等奮勇當先勦辦尙爲得手又奏丹陽江陰各逆首攻撲楊庫分踞長涇經臣傳令各營分投勦洗初八日該逆分數十股漸逼楊庫西南北三門忽自退去據降卒云江陰無錫各僞王與護逆意見不合均率眾回遁沙山僅護逆一股盤踞未退是夜唐殿魁派勇偷擊賊館賊多憑河防守我勇由太平橋繞襲其後擒斬多名焚燒賊卡二處賊竄向黃塘而去初九日黃翼升進攻長涇踞賊連踏卡壘十餘座賊退回竹塘青陽港李鶴章令總兵郭松林等分出隊伍於顧山陳市嚴家橋一帶排列長涇之賊時出衝突當經擊退嚴家橋之賊亦經擊敗賊於七里橋設有大卡一座我軍於初九日用槍礮排擊該逆并命抗拒適王東華督礮船前來併力攻擊轟倒卡牆數丈我軍遂擁而進該逆敗過浮橋斬殺無數賊眾大敗狂奔自相踐踏死者尤多當將賊卡賊壘一律踏平臣查楊庫長涇一帶竄賊經各營將士冒暑擊退疫病甚多略一休息應卽相機進圖江陰已函商黃翼升並令劉銘傳李鶴章等穩慎籌辦又奏據常熟巡船在潁閘奪獲僞文數百件臣查閱多係金陵賊目致蘇杭嘉興各頭目書信內稱洪逆見封僞忠王李秀城爲軍師雷守金陵因被官軍圍逼調各僞王赴援並求蘇嘉各賊解濟米糧該城內米價每石十二兩無處購買火藥亦缺等語臣查九洲洲下關克復則江路已斷商船不能販運進城金陵賊眾糧少實有坐困之勢曾國荃鮑超漸圍漸緊可冀得手見在蘇州賊勢亦蹙吳江復後我軍進步較寬臣已商令戈登程學啟等密爲防備通飭前路營卡一體查拏嚴斷接濟以杜狡謀上諭議政王軍機大臣等江震一城當水路之衝我軍旣已攻克必須固守方足以搯賊吭而制其命著李鴻章飭令程學啟等仍以穩紮穩進爲主然後由花涇港直下太湖規取蘇城不可稍存大意楊舍長涇之賊旣經擊退卽應飛飭各營進規江陰惟該營將士冒暑征戰疫病甚多殊深廕念該撫當令黃翼升等妥爲拊循入秋以後疫氣定可漸平卽督令該員弁等妥籌進取無誤事機另片密陳潁閘接獲僞文內稱金陵城內米價昂貴火藥亦缺並調各僞王赴援等情著卽飛咨曾國荃等上緊偏攻並須嚴斷輪船接濟以期早克堅城前已諭令總理各國事

務衙門與在京公使妥爲商辦並照會令其飭知各口領事官嚴密查察禁止濟賊糧藥如不服查問仍前接濟即令師船開礮實力轟擊毋稍姑容見在江南各軍以次得手該撫惟當謀定後動然後攻瑕乘隙自不難節節蕩平同膺懋賞勉之望之將此由六百里諭令知之○諭多隆阿奏覆陳省垣附近回匪情形一摺另片奏遵飭馬德昭赴援甘省等語西安省城附近一二十里外不過時有回匪游騎往復而瑛榮輒張皇入告聲稱東路回匪直撲省城至回匪數百人突竄蒲城縣屬之興市鎮一帶瑛榮輒稱蒲城被圍甚急陳奏各情已多不實且株守城垣一籌莫展已明降諭旨將瑛榮革職以劉蓉補授陝西巡撫未到任以前著張集馨暫行署理矣惟逆回探知官軍多病日夜撲營雖經多隆阿督率各軍奮勇擊退難保不再來侵犯多隆阿務當振刷精神趕緊經理一俟布置妥協卽行進剿沙河等處賊巢節節掃蕩直達高陵毋落後著鳳翔被困日久不可不星速往援平涼之圍未解豈容膜視著多隆阿迅卽檄飭馬德昭督率所部取道鳳翔實力攻擊迅解城圍卽由鳳翔援救平涼庶不致顧此失彼馬德昭既去省城戰守事宜多隆阿責無旁貸且據奏稱穩固善等紫營臨潼與省城近在咫尺多隆阿自應力籌兼顧毋得稍有貽誤致滋咎戾前因漢南兵勇統領乏人節經諭令駱秉章調派劉蓉赴陝當此陝南軍情萬分喫緊恐事權不屬呼應不靈是以特授劉蓉爲陝撫該撫身荷厚恩膺茲鉅任自應感激激圖報迅速馳赴漢南整頓諸軍將興漢一帶賊巢剋期攻毀淨掃妖氛至漢回仇讐已深劉蓉到後總當握其要領持平辦理不可稍涉偏激以副委任劉蓉係駱秉章襄理得力之員茲既簡放陝撫則身膺疆寄責有攸歸駱秉章惟當促其迅速赴任所有四川藩司員缺著駱秉章卽簡費員一面具奏一面派署以資臂助張集馨以屢次獲咎之員朝廷棄瑕錄用茲復令署撫篆所有省城一切防剿事宜務與多隆阿穆騰阿和衷商酌期於有濟毋得存五日京兆之見任令吏治廢弛軍心疲玩致蹈瑛榮覆轍也將此由六百里諭知多隆阿駱秉章劉蓉並傳諭張集馨知之○張之萬毛昶熙奏汝軍圍攻張岡賊巢自檢斬逆首張瀛林後臣毛昶熙親臨前敵激勵將士力圖攻拔臣張之萬亦添派知府尹耕雲與張曜等會籌進取逆首霍光玉仍糾合蕭汝信王暴牙等負隅死守六月十八日張曜等躬率各軍緊逼賊寨設立礮臺晝夜轟擊賊無算二十日夜霍逆單身出道張曜等豫派兵弁尾追立將該逆擒獲張曜等知首逆既擒賊巢必亂當傳令進兵取寨並令陳祿興等挑選精銳分路堵擊張曜策馬當先手刃退縮者數人各勇益奮直逼寨根連放噴筒火箭延燒寨內房屋火光燭天賊眾大亂各勇呼聲震地一擁而登砍倒站牆悍賊爭先入寨該匪拚命苦戰我軍冒火縱擊賊屍枕藉計斃悍賊一千餘名陣斬首惡蕭汝信生擒王暴牙羅淙邦等及張瀛林家屬共一千六百七十餘名其逸出寨外者復經各軍截殺並無一名漏網搜獲張總愚僞印一

顆槍礮器械無算救出難民二千餘人立將堅巢攻拔首逆霍沈玉王暴牙羅深邦等解赴郡城由臣張之萬訊明正法查張曜一軍攻克尙店後移得勝之師會合前敵各營合圍進逼諸將士同心敵愾用奏膚功積年巨患一旦殲滅刻下汝南全境肅清臣等擬卽簡銳東征埽除毫東餘孽上諭張國既下汝南一帶肅清自應移兵歸陳以爲防苗剿捻之計張之萬等所陳兵力疲乏請俟整頓稍有端緒卽行卷甲東征等語固屬實在情形惟苗逆自陷壽州勢愈鴟張而蒙城被圍日久危如累卵歸陳一帶若不豫設重兵嚴密扼守萬一該逆乘虛西竄張之萬等又何以禦之況皖捻餘燼復然柘城太康等處肆擾殆無虛日尤應迅速剿除以免燎原卽著督飭於天印尹嘉賓孫之友等各就派防處所實力扼截毋稍疏虞張之萬等一面將募練各營趕緊整頓剋期東發以剿爲防不得稍有玩誤歸德一帶本係毛昶熙舊日駐紮之所卽著統領先赴該處鎮撫調度聯絡兵團以壯聲勢至張岡新復人心未定一切善後事宜著張之萬等妥爲籌辦勿稍大意張曜銜鋒陷陣所向有功前由藩司改用總兵實爲用其所長朝廷文武並重毫無歧視該總兵自解官後臨敵慮勝奮勉更倍於前卽是該員秉性忠勇可以永受殊恩之處張之萬等可傳諭張曜令其愈加策勵始終不渝果能殲除苗逆盡埽捻氛則懋賞庸庸正不止一藩司已也將此由六百里諭令知之○革瑛榮任以劉蓉爲陝西巡撫由四川布政使遷未到任前以陝西按察使張集馨暫署○予陝西陣亡總兵官趙既發朱希廣祭葬世職建祠並副將關行莊等世職附祀○丁未諭議政王軍機大臣等馮子材等奏鎮營連日攻守情形一摺另片奏江北撥到兵勇請歸併鎮營防剿等語南路援賊蟻屯蟻聚圖救金陵鎮營官軍雖於博洛村水湖等處屢獲勝仗而賊勢正銳總當加意慎重曹國藩所稱金陵長圍未合鎮防緊要不宜分兵遠出應隨時相機進剿丹陽各賊以牽掣之仍可進退裕如等語洞中機宜與歷次諭旨脗合卽著馮子材等妥籌防守仍一面更番出擊使賊無暇分援他處庶金陵之師可期合圍江北存營兵勇既據馮子材等奏接據都興阿咨稱足敷堵剿所有前撥兵勇二千九百六十名著准其歸併鎮江軍營由馮子材等簡閱調度俾壯聲威各該營向由北臺領餉者仍著悉循其舊其本在南臺領餉各營併著查照上年併軍節餉章程分別釐剔用節冗糜至副將刁經明向辦都興阿營務仍著飭令回營由都興阿等差遣以資得力將此由五百里各諭令知之○戊申諭內閣理藩院奏查明遠支王公之女格格額駙等所食俸銀等件照例應請裁撤開單呈覽並請將辦理錯誤歷任堂司各官分別議處一摺另片奏莊襄親王之女兒領俸銀俸段應否一併裁撤請旨等語各王公之女格格額駙等應領俸項乾隆三十六年欽奉諭旨以宗室日繁世系日遠若不論近遠視爵授封轉無區別等因交宗人府議奏嗣經議准以世祖章皇帝位下子孫所生女照例視該王公之職封授格格

格額駙給予俸祿等項其餘王公之女僅給格格額駙虛銜理藩院從前辦理各王公之女格格額駙未經查明支派均經辦給俸銀俸段原屬錯誤惟係因支派日繁失於查察向非有心弊混所有應任堂司各官均著從寬免其議處其單開照例應行裁撤之格格額駙等暨莊襄親王綿課之女兒領俸銀等項均著加恩免其裁撤因念近來宗室蕃衍諸牒愈繁世次愈遠亦應恪遵 成憲以次量為變通遞加裁制嗣後各王公之女投封格格額駙著自 高宗純皇帝之子孫以下各王公所生女均作為近支照例視爵封投格格額駙給予俸祿等項其餘均作為遠派僅依王公之職封投格格額駙虛銜其下嫁外藩蒙古格格額駙並著一律辦理○諭議政王軍機大臣等張凱嵩奏攻破登龍橋老巢一摺貴縣黃逆股匪併股圍攻馬村仍分踞橋墟等處官軍分路進攻先將頂寨洗嶺橋墟及登龍橋各賊巢次第攻破剿辦尚屬得手該逆見退踞覃塘經各軍移營追剿著張凱嵩督飭在事文武乘此聲威實力剿辦務將此股賊匪悉數殲除並將首逆斬擒以淨根株容縣范逆自分股占踞埔塘後又分一股竄入北流縣境雖經知縣王恩培督團擊退難保不去而復來蔣澤春一軍見擬取道下灣先將從逆之羅排等村剿平再行會同鬱林紳團進攻埔塘著張凱嵩即飭該道員速行攻拔仍一面進規容縣毋稍疏忽將此由五百里諭令知之○已酉諭議政王軍機大臣等劉長佑奏親督馬步各軍滾營進剿及投擊直東交界逃匪各摺劉長佑見抵大營河口以天時晴雨無定兼之徧地高禾茂密各軍約期會剿易致彼此互相疑誤見由該督親率步隊與恆齡蘇克金馬隊會合用滾營法步步進剿將高禾節節刈俟近賊巢再行大舉合圍並已飛飭丁寶楨保德各帶兵勇進剿蘇林團附近地方以便屆期督團齊進所籌均向妥協著即照所擬趕緊辦理仍須計出萬全不可輕於嘗試致有疏虞沿河口岸之灘上村樓子坡等處匪黨時來窺渡肆擾雖經各將領等疊有斬擒仍須飭令各率兵勇嚴密巡防尖莊大營河口尤須督飭春霖等嚴遏北竄毋令該匪乘間竄突是為至要直東交界逃匪向多所獲陳占奎駱洛順孫全仁等處以極刑辦理甚好直東毗連各屬似此伏匿匪黨恐尚不少仍著飭令各該文武官紳嚴行搜捕一律辦理所參營總郭勒明阿派隊遲誤且因委參領吉秀屢傳不到情急出寓未回請旨革革並將吉秀暫革留營等語郭勒明阿因吉秀屢傳不到何至即自行潛逃且聞郭勒明阿已經投河自盡未知是否確實其屢傳吉秀不到究竟有無別項情節均應確切查明辦理所參吉秀暫革留營未免輕縱委營總吉秀著即革職革職交劉長佑按律究辦務得確情其不服約束之前鋒校木克登布雙安慶安正奎成連即照所請一併革職以肅戎行郭勒明阿如果在逃著即嚴拿務獲將此由六百里諭令知之○沈葆楨奏自饒防各軍掃清陶家渡後該逆遁歸石門並分紮雞公包等處劉典督軍分路進攻石門該逆三面受敵翻山而遁當將賊壘悉數平

段劉典以士卒連日血戰量予休息再圖會剿初一日參將韓進春探聞黃老虎從都昌潛出鐵門遂率韓字等營徑撲鐵門賊陣不動初二日該逆冒雨由謝家灘潛渡我軍倉皇應敵拒之河干驟雨淋漓藥繩槍礮難以施放該逆復從上下游分涉而來襲我後路我軍營壘未成以致挫退韓進春以親軍數百人斷賊之後乃收集各隊回紮小港該逆見官軍屹然山立仍竄歸鐵門饒防安堵如常臣查韓進春恃勝而驕輕進無備致爲該逆所乘除嚴飭該參將振刷精神力加整頓再行約會進取外相應請旨將臣標中軍參將韓進春暫行革職留營以觀後效並請旨將臣交部議處又奏該逆自陶家渡石門敗後以饒防未易窺伺乃以僞愛王踞都境僞感王踞湖境僞跟王踞彭境堵逆等來往於都湖之間擄奪民船編竹作筏希圖偷渡而堵逆之弟黃汶丙又嘯譟星劉官方分途窺伺祁西使我首尾不能相顧督糧道段起以桃樹嶺空虛移紮狀元港初七日該逆分股攻桃樹嶺及打杵汊團練汪爾昌率勇抵禦賊頻多適段起督勇至桃樹嶺都司郭開連督勇至打杵汊會合兜擊賊乃敗潰出嶺其由都湖港汊偷渡者均經副將丁義方等水師擊退其零星各股遁出江境爲青陽防兵擊敗回竄彭澤之外江戰船調防他處該縣知縣趙宗耀僅以練勇數百嬰城固守臣檄楊友勝分戰船五號以爲之援江忠義李榕於初七初十等日會剿湖口之賊未能得手都昌水陸各營雕剿時獲勝仗而賊兵日益之援之書雪片而至臣於饒防抽調忠勇軍赴之自吳城下至南康遙望對岸徹夜火光燭天民心震恐經劉于濤飭駐饒之江軍移紮就急沿湖布置大局尚可無慮惟自湖口以東延袤數百里焚殺搶擄之慘耳不忍聞被難紳民來省上書促戰殆無虛日而各營奔馳於炎風烈日之中病者十幾六七餉輒逾期皆緣臣調度無方所致惟有詳飭各將領隨時相機辦理以期仰慰宸廑

宸廑 上諭劉典以士卒連日血戰量予休息再圖會剿著沈葆楨飭令劉典將各軍妥爲拊循暫慰勞乏仍卽乘此聲威復圖攻取據奏賊兵日益自係由太平石埭祁門建德一帶竄入若令蔓延江省全局必致掣動而分防兵力亦恐不支卽著曾國藩左宗棠迅檄徽甯等處得力防軍分路追躡痛加剿洗並會同江省官兵兩面夾擊務將圖竄江西之賊殲除淨盡俾江南浙江諸路官軍後路均臻穩固方爲妥善將此由六百里各諭令知之○庚戌申禁各部院積壓案件○壬子曾國藩奏近日探報僞忠王侍王均隨洪逆堅守金陵船運蘇州之糧接濟老鴿曾國荃一軍自五月十五十八等日攻破金陵南城角長干橋一壘二十卡後圍偏如常別無戰事跑超至鍾山營將該本擬移紮孝陵衛旋因自染暑瘧又以軍中疾疫大作死亡相屬恐前敵爲賊所乘遂平毀鍾山營基仍往神策門沿江一帶金陵暫難合圍臣亦以江西未靖皖南方棘恐鮑超須調剿上游不敢令其遽爾合圍也蕪湖甯國南陵涇縣各城金柱關灣沚清戈江各隘雖抽調何紹彩西河一軍而

水陸防守幸均完固。僑王楊七麻等股在東水陽新河莊結卡踞守。亦未敢伺隙內犯。二十至二十六等日。甯國守將劉松山會約涇縣守將易開俊。剿賊於黃村等處。四戰捷。朱品隆亦自青陽會剿於木竹潭等處。獲勝三次。斃賊極多。前據獲獲偽文忠酋欲調黃李占賴各賊回援金陵。近則並無其事。占賴劉藍等逆仍在太石涇廬之交。黃李等逆則麇聚於湖口。都鄒一帶數月以來。江西官軍與左宗棠派援之師苦戰。苦守屢獲勝仗。景鎮鄒陽之賊次第退竄。沈葆楨又咨調江忠義專剿湖口。滿擬卽日全境肅清。六月初二日。韓進春在洋塘挫潰兇賊。復張日下賊勢趨重湖口。一路六月十七日。猛撲江忠義。堅山營寨。李榕部將陳由立援剿獲勝。旋以追賊致挫。十九二十三等日。復來堅山圍營攻撲甚猛。江忠義雖係宿將。而所部老勇較少。新募居多。李榕則全係新立之軍。未經大敵。殊可危慮。由湖口下至彭澤馬頭東流上至屏峯南康都昌濱江濱湖一片逆氛。見咨商彭玉麟多帶礮船親赴湖口援剿。江西諭旨所示。廓清江境然後併力皖南。規取金陵。誠爲確不可易之理。卽當欽遵辦理。上諭議政王軍機大臣等。黃李等逆麇聚於湖口。都鄒一帶。江西官軍與左宗棠派援之師苦戰。苦守屢獲勝仗。景鎮鄒陽之賊次第退竄。因韓進春在洋塘挫潰賊復趨重湖口。由湖口下至彭澤馬頭東流上至屏峯南康都昌濱江濱湖一片逆氛。曾國藩咨商彭玉麟多帶礮船親赴湖口援剿。見在江忠義所部老勇較少。李榕新立之軍未經大敵。而該逆愈聚愈眾。勢甚兇悍。自應添撥勁旅以資攻剿。著曾國藩咨會彭玉麟督帶礮船迅速前赴湖口。會同江省官軍實力進攻。並著沈葆楨督同江忠義李榕等軍穩紮穩進。節節蕩蕩。將該匪聚殲廓清江境。庶可移師併力皖南。爲規取金陵之計。苗逆陷壽州後。勢甚猖獗。前諭彭玉麟楊岳斌趕赴臨淮會同進剿。見在彭玉麟赴援江西。楊岳斌未識何時可以抵淮。著曾國藩迅催楊岳斌水師星速駛赴臨淮。藉資援救。唐訓方仍當覓見有兵力安籌守禦。以待援師。毋稍鬆勁。致誤戎機。鮑超自染舊疾並軍中疾疫大作。死亡相屬。朝廷甚深廩繫。曾國藩以江西未靖。皖南方棘。恐鮑超須調剿上游。不令遽回金陵。所請甚是。該提督一軍應調赴何處策應之處。卽著曾國藩相機辦理。前諭吳棠令黃開榜水師赴淮援剿。並飭姚廣武速將徐西各匪剿除。卽回宿境。著吳棠仍遵前旨。催令黃開榜帶領水師趕緊駛赴臨淮。並催姚廣武將徐西之匪迅速掃蕩。卽行回宿。以通蒙城糧道。毋令頓兵徐西日久無功。是爲至要。將此由六百里各諭令知之。○諭閩徽鎔奏接捕潘川餘匪。截殺殆盡。見提移軍清博一帶。以遏北竄。一摺。潘川縣城克復。先由潘城竄出之賊。經官兵追殺多名。竄至白蓮池東門外之賊。復經搜捕。無遺。其竄至新泰境土門一帶賊匪。均經投殺淨盡。地方一律肅清。辦理尙屬認真。該署撫所籌善後各事。均照所議辦理。宋憬詩一股前據劉長佑奏到。已移營進逼。該匪等被剿窮蹙。難保不棄險奔竄。東昌府臨運河清平博平等境之梁家淺魏家灣等處。

均係河口要隘該逆乘虛北竄及直境尤爲可慮該署撫見擬回省稍理地方要務即親自督軍至清博一帶駐防著卽趕緊料理諸務前往駐紮遏賊北竄之路總兵保德臬司丁寶楨二員見紮堂邑之六官莊逼近賊巢兵力甚單該署撫已派都司楊通廉等勇隊一千五百名交其統帶著飭令保德等懷遵疊次所奉諭旨聽候劉長佑調遣以一事權將此由五百里諭令知之○諭穆騰阿瑛榮奏疏通道路情形請飭德興阿赴省並體泉被圍漢郡接仗失利石泉兩次擊賊及漢陰獲勝各摺片逆回攻撲南關馬德昭督隊追剿因馬驚被跌受傷甚重著賞假二十日起緊調理見在省外匪蹤出沒無常防剿均關緊要曹克忠一人勢難兼顧著多隆阿卽飭德興阿輕騎馳赴省城接統馬德昭之軍實力勦辦其馳援鳳翔一節或另派得力大員或俟馬德昭傷愈後再行統兵前往著多隆阿斟酌情形辦理同州大營後路並著多隆阿另派委員接統德興阿所帶之兵以便德興阿馳赴省垣毋稍遲誤醴泉被匪圍攻勢甚危急著穆騰阿張集馨嚴飭馬陞一軍就近由咸陽星夜馳往速解城圍並將興平等處賊匪一律掃蕩瑛榮狃於撫議幾誤大局張集馨接署撫篆務宜力矯前失鼓勵將士嚴密堵剿不可爲奸回馬百齡所惑並須與多隆阿和衷共濟聯絡聲勢以期肅清東路王夢齡見抵武功所部兵勇止三百餘名其數過單著張集馨卽飭雷駐鄠縣之川勇五百名歸併王夢齡統帶並嚴飭該副將進抵岐山速解城圍如查有遲遲觀望情形卽著以軍法從事毋稍姑息寶斗二山賊匪經官軍擊敗後竄赴西鄉全股趨赴石泉漢陰攻撲縣廳各城均經該地方官先後督團擊敗見在該逆糧米甚缺力圖占踞汪家寨該處地廣糧多路通川陝楚三省設被匪聚盤踞爲患甚巨著張集馨督飭該地方官鼓勵鄉團實力勦洗並力籌堅壁清野之法使該逆無糧可據自可易於解散至漢陰一帶逼近興安官文嚴樹森務當督飭梁作楫一軍迎頭截剿毋令下竄郡城漢中被圍日久情形危迫異常著駱秉章速催劉蓉馳往漢南統率諸軍力解城圍無再遲延張由庚已駐軍川陝邊境經署漢中守楊光澍兩次親詣該營求援輒敢擁兵不救是否各軍部署未齊抑係結詞推諉著劉蓉確切查明從嚴參辦楊光澍因張由庚延不赴援憤激出城帶兵剿賊孤軍被圍失利與輕進致敗者有間並著免其議處將此由六百里諭知官文嚴樹森多隆阿穆騰阿駱秉章劉蓉並傳諭張集馨知之○飭湖北山西迅解多隆阿軍餉○癸丑以近畿盜匪涸迹申諭順天府直隸總督嚴緝○甲寅唐訓方奏臨淮官軍於六月二十五日至七月初一等日迎剿賊匪疊獲勝仗而蒙城之圍未解昨接姚廣武稟報該總兵於二十三日回宿適遇捻首趙克元等帶領馬隊百餘名向東竄突我軍分投衝擊斃賊甚多登時擊退而趙克元仍盤踞宋家圩抗拒見在趕緊力圖攻取以清後路並於二十日將各處協解蒙城餉銀護送至侯家圩設法轉解前進仍擬與小澗各營會合夾攻先清

餉道再圖節節進剿以解蒙圍等語查蒙城自馬新貽擒獲逆黨胡得靈後高集起南諸圩反正者二千餘處各出練丁協助官軍與苗逆接仗惟糧路仍未疏通苗逆於狼山一帶連紮十七營賊眾我勇賊逃我勇餉銀能否運到尚未可必馬新貽亦稟稱見令王才秀穩紮蒙城而自率所部及徐登喜奮勇四百名移紮小澗密與姚廣武自侯圩前後夾攻與賊決戰等語情形仍屬十分危迫曾國藩所派之何紹彩一軍已於初三日到營數僅二千復因在甯國等處染患時疫見飭趕緊調養就痊以收實效至壽城踞賊如故查霍邱之濶子口爲該逆運道由六至壽之迎河集爲進剿正陽之路而老廟集復爲壽南扼要之區臣與曾國藩往返函商見以蔣凝學進紮濶子口周覽世一軍分紮六安迎河集兩處毛有銘進紮老廟集均次第有端倪隨時奏報 上諭議政王軍機大臣等蒙城被圍日久糧運斷絕見在就近可以往援者惟姚廣武一軍何得因趙克沅等百餘擒匪輒將兵力牽掣一隅遂置大局於不顧馬新貽見令王才秀穩駐蒙城而自率所部移屯小澗密商姚廣武自侯圩前後夾攻事機已迫萬不可再有遲誤即著唐訓方檄調姚廣武等迅速進兵疏通蒙城餉道吳棠仍一面嚴飭該員鼓勇前進毋得託詞防檢賊前窺後致誤戎機自千重咎黃州枋水師學經諭令駛赴臨淮至今尚未奏報啟程並著吳棠迅催前往毋得稍有稽遲昨因彭玉麟赴援江西諭令曾國藩迅催楊岳斌督率水師駛赴臨淮藉資援救此時苗逆勢極猖獗仍著曾國藩遵旨嚴催毋稍遲玩唐訓方仍就見有兵力安籌守禦以待援師並飛催蔣凝學周覽世毛有銘等軍迅速進紮濶子口等處約期會剿不可鬆勁另片奏遵查李南華見在蒙城助剿屢有擒斬等語李南華打仗尙爲勇敢且與苗逆爲仇唐訓方務當隨時駕馭籠絡俾爲我用將此由六百里各諭令知之○丙辰 慈安皇太后聖壽節停止 升慈寧宮○諭內閣駱秉章奏請將生擒逆首石達開案內尤爲出力之士千戶恩恩改獎等語緩帶密士千戶嶺承恩松林地土千戶王應元前經駱秉章奏請鼓勵均經降旨加恩賞給直撫司職銜並分別給予勇號副將銜茲據奏稱該士千戶皆隸印部宣撫司統轄加以宣撫司職銜於體制究有未協等語謹承恩著改給土遊擊世職頒換緩帶密士遊擊印信仍賞給桓勇巴圖魯名號王應元著改給土都司世職頒換松林地土都司印信仍賞加副將銜均著由部給發號紙准其子孫承襲仍歸印部宣撫司統轄以示區別而資感奮○諭議政王軍機大臣等駱秉章奏添派楚軍馳赴陝南會剿一摺據奏鄂省梁作楫一軍雖赴興安止能扼要駐守蜀省所派桂字營兩軍進規漢南兵力尙單見復擬派總兵何勝必蕭慶高帥湘果中右兩軍取道南江一路繼進兵力既厚可立解漢南之圍等語籌辦甚屬合宜卽著劉蓉迅速馳往漢南統率諸軍進剿毋稍遲延何勝必蕭慶高所部及援剿陝南各軍均歸調遣毛震壽在陝久不得力且有被參之案茲

據駱秉章奏稱該藩司雖不能迅殄逆氛而力守城固尙能與賊久持是非一無足取者著劉蓉於到陝後察看其人是否可用並其兵勇應否簡汰之處迅速具奏寶斗二山竄匪全行趨赴石泉漢陰攻撲縣廳各城梁作揖一軍應令迅赴漢陰攔頭截擊劉蓉督率各軍力解漢中之圍仍須兼籌截剿漢陰之賊勿令得與郡城賊匪竄合川軍口糧既由川省籌發以後餉需駱秉章必能源源接濟毋令缺乏也將此由六百里各諭令知之○諭徐宗幹奏臺灣軍務情形一摺副將曾元福自進紮白沙坑後設計攻破大岸頭各莊竹圍並將大埔八卦山等處賊巢盡行焚毀正可乘勝進取惟吳鵬源以冒暑督戰染疫暫回嘉城徐宗幹因統率之人檄令曾元福由間道直趨嘉義接署水師提督著卽飭令曾元福與委署北路協副將湯得陞合力攻剿先通南北兩路仍令曾玉明激勵官兵聯絡義勇迅克彰城毋稍遲緩臺灣道洪毓琛所出之缺徐宗幹見委知府陳懋烈暫署惟提督道員均係署任見當喫緊之時驟易統率之人一切攻取機宜尤應加意慎重徐宗幹務當實力嚴催責令認真剿洗迅掃賊氛毋稍鬆勁並著左宗棠隨時督催一切軍情咨會徐宗幹妥籌辦理將此由六百里各諭令知之○予福建軍營病故道員洪毓琛祭葬卹廕加等○丁巳李鴻章奏探聞嘉興府逆首偽榮王廖發受領水陸賊眾數萬於十六日直撲吳江縣之南門勢甚洶湧程學啟督軍登陣用礮對轟一面挑派洋槍隊千人調集礮船二十隻出城迎剿該逆見我軍遠出悉力來撲鏖戰良久互有損傷副將何安泰等乃由城左小路鈔襲賊後都司彭玉貴等開礮轟擊謝梁鎮等礮船復攔腰截剿賊陣大亂程學啟督洋槍隊奮力猛衝賊反戈狂奔自相踐踏我軍追殺二十餘里將至平望奪獲賊礮十二號擒斬悍賊二千餘名程學啟相度形勢該城南通嘉興北接蘇州西連太湖面面皆爲賊窟因於城南之萬頃橋扼紮兩壘令遊擊阮炳福守之以當嘉興來路城西北之夾浦口扼紮兩壘令總兵陳有昇陸師與總兵張光泰淮揚水師守之以當蘇州來路又令副將何安泰督同遊擊張志邦帶兩營駐守城中相機策應多儲米糧子藥爲死守計程學啟於二十日仍回灘亭老營兼顧由崑入蘇之路二十一二日以後蘇嘉各處大股四出狂竄互延數十里連撲夾浦營盤均經我軍擊退該逆有開花礮疊次向營轟打幸其礮甚小尙能儘力抵禦臣見商令各國領事出示嚴禁不准流氓接濟賊匪至崑蘇吳江之交百里間河湖交錯師船甚單亟盼李朝斌太湖水師下駛以資分布聞尙阻風海門不能徑渡見飭劉銘傳李鶴章等進攻江陰劉秉璋潘鼎新等進圖嘉善冀可稍分賊勢上諭議政王軍機大臣等荷蘭派使臣善姓立約乘駕輪船赴京見先至上海欲請該撫轉奏情詞尙爲恭順見在該撫照覆該使先令其前來面商一切著劉切開導申明比國成案將換約事宜卽由該撫在上海妥爲辦理蘇嘉各處大股四出狂竄連撲夾浦營盤均經我軍擊退惟

該逆內有洋人施放開花礮屢次向營轟打白齊文又先帶流氓洋匪二百餘人投入蘇賊雖我軍尙能抵禦總須設法斷其接濟方可制賊死命即著李鴻章商令英法美各領事出示嚴禁不准各國流民偷入濟匪並准前路各營卡查拏捆辦至各國輪船本准其入江往來該洋人惟利是視難保其不暗中濟匪所有水路各要隘遇有輪船出入應如何設法禁止斷賊接濟之處著李鴻章咨照左宗棠會同妥商辦理崑崙吳江之交師船甚單並著催令李朝斌統帶水師迅速下駛以利攻剿將此由六百里諭令知之○諭張之萬毛昶熙奏整頓兵勇分防各路一摺豫省官軍攻克張岡後毛昶熙馳回汝甯與張之萬整頓兵勇裁汰疲弱另行挑選並派陳祿興等四營與毛昶熙所部馬隊陸續馳赴歸德堵剿毫捻毛昶熙見因毫捻被陳郡各營扼擊回竄宋屬喫重復督總兵趙鴻舉等四營馳赴歸德並將李世玉等軍歸併調遣諸軍更有所統率著即申明號令嚴密布置並著越境進攻以剿爲防不可畫疆自守其豫勝各營及參將尹嘉賓等馬步各隊均歸張曜統帶著張之萬等即飭張曜速行進紮陳郡並與袁甲三會籌妥商聯絡鄉團節節進攻以期會合楚軍兼施防剿張之萬見紮許州居中策應當此防剿喫緊之際斷不可違回汴省息縣一帶尙有伏莽汝甯各屬土匪恐亦未能盡張之萬等見畱副將李殿元駐軍搜捕並令劉鴻增等軍分駐固始正息尙恐兵力單薄著張之萬即飭令蒯賀蓀督率團勇協力剿辦與官軍聯絡聲勢以期掃蕩餘氛毋稍玩誤將此由六百里各諭令知之○諭晏端書黃贊湯奏提臣督師高郡進剿事宜並陳各路軍情一摺廣東高州軍務日久未能得手亟應力加整頓嚴督各軍及各該地方文武實力堵剿崑崙在粵年久於地方情形自應熟悉此次督辦高州賊匪尤屬責無旁貸務須深雪精神力圖振作於各帶兵文武嚴加督率將信宜等處股匪迅速攻搗痛除逆儀以靖地方晏端書既權督篆亦不得存五日京兆之見致地方軍務諸多廢弛毛鴻賓郭嵩燾行抵新任即將地方應辦事宜逐一整理軍營文武及各該地方員弁兵團均著嚴加整飭以資防剿並督飭吳昌壽將廣海寨城迅圖攻克毋任客匪久踞信宜之賊本與廣西容岑賊窟相連晏端書奏據劉坤一稟報貴縣克復道員蔣澤春一軍可由鬱林進取容岑與東省官軍會合夾擊與前張凱嵩所奏潯州等處情形大略相同如果西省官軍能即進取容岑自當速與崑崙壽所督高州各軍東西合力以收夾擊之效著張凱嵩督飭劉坤一蔣澤春實力辦理將東西兩省毗連各屬股匪次第肅清不得苟且粉飾致令有名無實自干罪戾前諭派令道員唐啟蔭前赴高州幫同崑崙壽籌辦賊該員籍隸廣西於兩省軍情賊勢自應確有所見並著崑崙壽與之妥籌進剿一切機宜以資得力將此由六百里各諭令知之○諭崇實駱秉章奏邊飭田興恕回黔並陳在川查辦窒礙情形一摺與晏次諭旨用意頗爲脗合張亮基抵黔後將田興恕舊部欠餉酌量散給軍心

自已樂爲之用自三月抵黔接署巡撫提督兩篆斧柯在手捐循駕馭已近半年豈尙慮該革員借兵挾制致起變端其所部兵勇二千本由黔省帶往自不難由黔省收其兵柄使就範圍至該革員應查各案本係在黔之事一切卷宗左證自應就近查提若令赴川該革員必恃事無左據堅不承認川省豈能以一面之詞遂爲定讞往返咨查更屬耽延時日於外國交涉事件豈宜日久稽延善勞崇光張亮基迅卽懷遵前旨將田興恕撤回黔省收其所部所有應訊各案速爲辦結毋得意存諉卸致負委任將此由六百里各諭令知之○戊午諭內閣勞崇光張亮基奏請將劣員革職審辦等語湖南補用知縣張茂萱卽張心培補用同知直隸州知州指升道員謝保齡以幕友濫膺保舉攬權怙勢劣蹟昭著田興恕被參各款皆由該員等唆使蒙蔽居多前經覆罪潛逃見據該督等訪復審訊張茂萱卽張心培謝保齡均著先行革職交勞崇光張亮基嚴行審訊按律懲辦○唐訓方奏苗逆謀百出專以阻截糧路爲能事聲東擊西尤其長技所以在狼山紮營十餘座者固爲阻截蒙城糧運亦欲使我分兵救援蒙城則臨淮兵力愈單而彼得遂其狡謀也故令姚廣武馬新貽英翰諸軍內外夾擊以通小澗之路而臨淮各營堅壁不動該逆增調悍賊分由黑窯上洪兩路包鈔前敵諸營經張得勝等併力擊敗該逆一面增築營壘悉力相持一面分兵由曹老集攻撲玉莊營壘意欲包圍臣營後路該處僅遊擊李坤一營在彼屯紮該逆固執視之意謂一鼓可下當經臣先期謀知密抽陳舊老營精銳千人乘夜設伏附近地方逆眾驟至伏兵突發李坤亦開營出戰內外夾攻殲斃多名餘眾踉蹌奔遁自是不敢窺伺王莊遂抽調蒙城一帶之賊專於淮河兩岸力圖鈔襲七月初三日賊出懷遠上游渡淮南岸會合上洪聖賊撲我上洪新訓前左兩營普承堯乘其前甫成列後猶未濟亟帶親兵從塗山背後下擊復派哨勇由山右包鈔用山石亂擊斃賊甚多乘勢壓下其圍立解是夜賊一以水隊暗襲南岸水軍經龔文林擊退一以旱隊由北岸進東而來攻撲朱淮森營壘亦經朱淮森擊卻之初五日苗逆親率大股約二萬餘人陣於黑窯後路而於陣後河岸搶築營壘張得勝急令各營堅守並商普承堯自南岸派隊飛渡助戰相持逾時賊氣漸餒向聽得率馬勇馳擊其後普承堯率軍連用劈山礮轟之賊勢披靡朱淮森分兵兩翼鈔出迎戰龔文林等復移戰船巨礮轟擊賊遂大敗歸壘計此次殺賊千餘人奪獲旗幟器械無算前敵差能穩固然七里廟河岸該逆已添三壘分踞矣先是臣未得捷報深恐難支因於初六日派駐臨之遊擊何有能等督隊馳赴前敵以資戰守行次北岸小蚌埠經張得勝密約進剿河沿新築賊壘與前敵各營爲夾攻勢連環轟擊自辰至酉始填濠越牆而入連踏三壘計斃賊約千五六百人並生擒賊目李三訊明正法計自前月以來逆壘增至三十餘座賊眾愈聚愈多忽分忽合竟莫測其數之多寡兼以附近民圩

日遭裹脅各營兵勇祇有此數_臣惟有督飭各軍力支危局總期速靖狂氛早紓宸廑至蒙城一帶賊眾既抽赴懷遠想
彼處情形或可稍鬆俟得有確報再行馳奏 上諭議政王軍機大臣等逆匪愈聚愈眾民圩日遭裹脅而各營兵勇止有
此數日久相持終恐情見勢詘著曾國藩吳棠嚴催丁泗濱及前調黃開榜師船迅速駛赴臨淮會合夾擊毋得稍有遷延
致干重咎楊岳斌黃翼升所部水師並著曾國藩嚴催赴臨會剿毋稍延誤至蒙城一帶賊眾既抽赴懷遠則彼處情形或
可稍鬆著吳棠唐訓方嚴飭姚廣武馬新貽英翰諸軍內外夾擊立解城圍備姚廣武仍敢託詞防捻畏葸不前致失此可
乘之機必將該員從重治罪唐訓方另片奏李世忠遺副將朱元興等帶兵千餘來臨屯紮並添撥船數十隻停泊五河聲
稱係稟請曾國藩會剿苗逆等語李世忠所部久未聞有與賊接仗之事此次忽遣兵弁赴臨聲言助剿其意究欲何為見
雖據唐訓方奏悉心防範而屯兵肘腋究恐滋生事端著曾國藩設法將伊派出之兵調往他處或令赴江浦一帶防堵俾
免臨淮各營疑慮方為妥善將此由六百里各諭令知之○于貴州陣亡道員趙國澍參將補友登祭葬世職○己未沈葆
楨奏自提督江忠義一軍進紮堅山該逆黃老虎由都昌之蔡家嶺悉眾來爭六月十七日江忠義密令各營出六成隊依
堅山分道設伏並飭江上喜江忠倬督率隊伍防其由梧桐嶺襲我馬影橋老營一面函商李榕會剿該逆屆營而陣橫互十
餘里我軍分路攻剿酣戰兩時斃賊數百名賊不少卻江忠義督同江忠華揮令馬隊出搗中堅黃仁邁等怒馬疾呼而進
賊始披靡我軍乘勝追殺該逆復敢抗拒經我軍殺斃七八百名李榕分軍援剿亦多斬獲總兵陳由立窮追遇伏小有挫
折江忠義以該逆不得逞於前必襲我後當飭堅山各營如賊來犯各自堅守毋輕出戰十九日該逆果以大隊伏於張天
社酬山一帶而以小股於堅山之前挑戰自辰至午見我軍不動乃以四千人徑撲新左翼營壘其大股三面合圍堅山各
營我軍俟其近濠始放槍礮斃賊千計賊仍不退前鋒後勁兩營地尤衝要賊分股牽掣各營悉銳攻撲兩營逆酋黃老虎
吹號揮眾營官黃仁邁調槍隊擊之該逆倒地羣賊昇之而遁餘悉鼠竄查該逆為悍賊渠魁既受重創羣逆自必喪膽_臣
見飭劉典會督饒防各軍步步進逼合力兜剿以期殲除醜類綏靖邊疆又奏據統帶老湘營道員王文瑞稟稱古江二逆
踞安徽黟縣石太地方於六月十六夜竄至郭村十七日由羊棧嶺竄入黟縣經該道乘其喘息未定擊之知府朱明亮等
分道會剿十八日行距黟城數里部勒甫定城賊傾巢而出我軍環施槍礮鏖戰逾時賊猶拚死抵禦熊常富等從後鈔殺
賊乃驚潰喻勝榮等乘勝衝入南門搜殺百餘賊當將城池克復喻勝榮知左路賊勢較重馳往應援見賊匿伏濠內槍礮
擊之不動乃同丁長勝等率步隊踰濠攀牆而上立斬悍賊數十名賊遂棄壘而遁鄧榮達等涉過小河截其歸路各軍兜

殺斃賊五六百名拔賊分道而至我軍整陣以待丁長勝等左右鈔擊各軍齊進賊乃大敗我軍追出羊橋嶺斬其尾隊百餘名餘匪悉向石太而遁夥境肅清查該逆回買夥城圖竄江境王文瑞乘機掃蕩具見調度有方臣惟有檄飭該道督率各軍奮力追剿以遏賊匪窺竄之路又奏日來悍賊盡趨湖口祐逆李遠繼實未陣斃仍隨黃老虎於文橋以拒江忠義一軍自十九日一戰羣逆膽落屢次挑之伏匿不出其擾都昌之賊屢被官軍剿愈遁愈遠惟蔡家嶺等處尙堅紫老營悍賊守之以固文橋後路夥境既靖劉典可無東顧之憂已約會席寶田等進紫石門梅源橋洋塘等處擬先攻青山橋擊賊之後以期迅掃逆氛上諭議政王軍機大臣等石太古江二逆竄入夥縣經王文瑞派隊襲擊克復城池仍向石太遁去仍著督飭該道員奮力追擊毋令竄回江境黃李等逆腐聚於湖口都鄙一帶自江忠義進紫堅山扼要設伏李榕亦分軍撲剿雖陳由立遇伏官軍小有損折而黃逆中槍倒地已受重創羣賊亦必膽落著督飭劉典可會督饒防諸軍步步進逼合九兜剿湖口雖屢獲勝仗黃李各逆仍堅踞文橋都昌之賊雖敗遁較遠而蔡家嶺等處尙有悍賊堅守老巢以固文橋後路見在夥縣既清劉典可無東顧之慮即著會同席寶田等軍進紫石門梅源橋等處乘勢繞出賊後分路包鈔迅掃逆氛以順江省全局花旗股匪竄擾彭澤該縣令等極力固守兵勇大單日久究恐不支即著沈葆楨飭令在防諸軍分兵救援仍督令該縣令等策勵團勇實力堅守以保危城將此由六百里諭令知之○常清奏俄羅斯屢偏邊卡茲復聞赴博羅胡吉爾卡倫經索倫總管等將其攔回俄人竟施放大礮見在大隊退至科斯莫盤地方集有五六百人已派領隊大臣托克托索管帶官兵五百名前往堵禦如該國兵隊退回即飭令托克托索等整頓隊伍嚴守卡倫報聞○庚申僧格林沁國瑞奏臣等由淄川啟程於七月初五日行抵鄒縣白蓮池查白蓮池教匪自黃國瑞舒通額等由東西兩路攻進賊巢會合搜剿擒斬多名餘匪竄上紅山該處懸崖陡壁山頂寬敞察其人數尙有二萬餘眾所恃豫積糧米倚險抗拒臣等當令舒通額等嚴加防範以杜偷竄並令署運司恩錫等將遠處營壘移紮西南紅山腳下以防奔突臣等駐紮土旺迤西數里之來富莊地方初八初九兩日督飭各營環山列隊用礮轟擊該逆猝死抵拒礮石如雨我軍仍奮勇爭先攀藤附葛意圖搶攻該逆用巨石自嶺墮下各營兵勇受傷數百名當即撤隊見於紅山對面平嶺之上添築營壘兩座派參將李其昌等各帶勇隊駐紮並將礮位安設營內添兵保護以便晝夜轟擊惟山徑叢雜澗壑縱橫賊之竄路分歧防範實有難周見飭舒通額等統帶馬隊巡邏僅有奔竄即可跟蹤追剿至淄川逃出檢棍會匪千餘名經托倫布等帶領馬隊跟蹤追剿敗於田莊餘匪數百名翻山奔竄該侍衛等追至臨朐縣龍岡及曾家岡等處復斃賊百餘名敗匪僅賸二百餘名逃竄入山旋隨寶

泉固匪首呂從學等赴黃國瑞營中懇請投誠效力贖罪經該總兵驗明准投見在此項人眾即飭歸黃國瑞管帶屢次隨同進攻尙能勇往再據佐領訥木津稟稱擒首李大箇子等見在岳家集游弋因知我隊已抵永城情願投誠當經臣等以李大箇子係屬漏網捻逆情急來投殊不可靠已札飭訥木津將該擒首是否真心投誠抑或鼠首兩端據實稟覆再行覈辦又奏據總兵姚廣武稟稱該總兵於六月二十九日馳抵侯圩將運蒙糧餉軍火送至小澗集交臬司馬新貽轉運蒙城並與馬新貽籌商進剿必須剿除狼山賊壘糧路方可暢行該總兵當與英翰等議於蔡寨以西扼要紮營一面分兵繞赴狼山東路七月初四五等日我軍出隊均有斬擒逆勢不支初五日夜將狼山踞壘十餘座全行撤退該總兵督隊馳剿適蒙軍由山南至合力夾擊殲賊不少該逆狂奔而同該總兵以東西盡屬賊巢未便深追而從逆之趙王二圩均出乞降旋探該逆巢窟至蒙城城外渦河南北築壘初七日該總兵督隊趨抵蒙城次早會同蒙軍分路鈔擊擒斬多名復折向西北攻劉家圩外圩之賊盡被殲斃因該逆堅拒急切未下遂由檀城集折回一路經過各圩紛紛乞降蒙城糧路見已疏暢各等情臣等一俟白蓮池教匪掃滅後即當撥兵赴皖會同各軍合力夾擊仍俟直東一律肅清臣等再行督帶馬步全軍南下既無回顧之慮即可專意進剿上諭議政王軍機大臣等白蓮池教匪被殲轟打難保不窮而思竄山徑叢雜防範最宜周密該大臣務須嚴爲布置勿令乘間出竄惟山勢險峻散漫既難仰攻又恐非重圍所能困總宜尋覓機會使逆巢有內應之賊庶幾一鼓可下潯川逸匪被官軍追剿窮蹙趕黃國瑞軍營投誠該逆狼子野心反覆無常難保不與教匪暗通消息著僧格林沁督飭黃國瑞隨時防範如查有反覆情形即速殲除毋稍姑息擒首李大箇子等是否真心悔罪亦須令馬新貽英翰等詳加體察斟酌辦理蒙城所屬狼山逆壘十餘座既經撤退趙王兩圩均經乞降總兵姚廣武復將附近投誠各圩收撫蒙城糧路見已疏通著僧格林沁即嚴札該總兵奮力進抵蒙城會合馬新貽英翰等軍內外進攻迅解城圍毋許藉詞逗遛致干重咎昨據唐訓方奏稱苗逆親督黨與二萬餘人於臨淮南北兩岸添紮營壘官軍日有傷亡而逆黨日加增益情勢甚爲危迫僧格林沁務當迅將紅山股匪剿除淨盡以便移師皖省掃蕩苗氛毋稍延緩將此由六百里諭令知之○諭聞數銘奏由潯回省督軍馳赴清博一帶因阻水未能速進並楚勇到東一摺據稱由山東省城前赴清博平兩路水勢寬深橋梁沈沒閭閻敬銘前派赴堂邑之三營均在齊河一帶阻水亟應設法催遣以期無誤軍行著該署撫酌度情形飭令該營迅速由大清河水路挽行毋再遷延並著嚴飭各該州縣逐段疏通或於水淺處插標引路或覓船紮筏分起渡送以便各該營將士得以暢行無滯東昌剿匪正值喫緊亟須該撫前往統率著閩敬銘俟水勢稍減即行馳赴清